

四庫全書

經部

欽定四庫全書

儀禮集傳集註卷二十九

宋 朱子 撰

王朝禮六

王制之乙制國

凡建王國大司徒以土圭之法測土深正日景以求地
中日南則景短多暑日北則景長多寒日東則景夕多
風日西則景朝多陰

深尺鵠反
月之景也

土圭所以致四時日
測猶度也
不知廣深故

曰測故書求為救杜子春云當為求鄭司農云測土深謂南北東西之深也日南謂立表處大南近日也日北謂立表處大北遠日也景夕謂日昃景乃中立表處大東近日也景朝謂日未中而景中立表處大西遠日也玄謂晝漏半而置土圭表陰陽審其南北景短於土圭謂之日南是地於日為近南也景長於土圭謂之日北是地於日為近北也東於土圭謂之日東是地於日為近東也西於土圭謂之日西是地於日為近西也如是則寒暑陰風偏而不和是未得其日南至之景尺有五寸所求凡日景於地千里而差一寸

謂之地中天地之所合也四時之所交也風雨之所會

也陰陽之所和也然則百物阜安乃建王國焉制其畿

方千里而封樹之

景尺有五寸者南戴日下萬五千里地與星辰四遊升降於三萬里之中

是以半之得地之中也。畿方千里，取象於日一寸為正。樹樹木溝上，所以表助阻固也。鄭司農云：土圭之長尺有五寸，以夏至之日立八尺之表，其景適與土圭等，謂之地中。今潁川陽城地為然。今按自唐以來，以浚儀岳臺辱景為地中。

量人掌營國城郭營后宮量市朝道巷門

渠造都邑亦如之

量音亮，朝直遙反。建立也。立國有舊法式，若匠人職云：分國定天下之

國分也。后君也。言君容王與諸侯。

匠人營國方九里旁三門

營謂大尺其大

小天子十二門，通十二子疏云：王城當十二里。

國中九經九緯經涂九軌

國中城內

也。經緯謂涂也。經緯之涂皆容方九軌，軌謂轍廣乘車六尺六寸旁加七寸，凡八尺是為轍廣九軌，積七十二尺。則此涂十二步也。旁加七寸者，輻內二寸半輻廣三寸半，綆三分寸之二，金轄之間三分寸之一。

左祖

右社面朝後市

王宮所居也祖宗廟面猶鄉也王宮當中經之涂也

市朝一夫

各方

百夏后氏世室堂修二七廣四修一

者宗廟也魯廟有廣古曠反世室

世室壯有白壯此用先王之禮脩南北之深也夏度以步令堂修十四步其廣益以四分修之一則堂廣十七

半五室三四步四三尺

堂上為五室象五行也三四步室方也四三尺以益廣也木室

於東北火室於東南金室於西南水室於西北其方皆三步其廣益之以三尺土室於中央方四步其廣益之以四尺此五室居堂九階南面三三

四旁兩夾窻

窻助戶為

明每室四

白盛

蜃灰也盛之言成也以蜃灰墁牆所以飾成宮室

門堂三之二

門堂門側之堂取數於正堂今堂如上制則門堂南北九步二尺東西十一步四尺爾雅曰門側之堂謂之塾

室三之一

兩室與門各居一分

殷人重屋堂修七尋堂崇三尺四

阿重屋

重直龍反七尋五丈六尺

重屋者王宮正堂若大寢也其修七尋五丈六尺故夏周則其廣九尋七丈二尺

也五室各二尋崇高也四阿若今四注屋重屋複筓也

筓側白反

周人明堂度九尺之

筓東西九筓南北七筓堂崇一筓五室凡室二筓

度徒洛反

下同明堂者明政教之堂周度以筓亦王者相改周堂高九尺殷三尺則夏一尺矣相參之數禹卑宮室謂此一尺之堂與此三者或舉宗廟或舉王寢或舉明堂互言之以明其同制

室中度以几堂

上度以筓宮中度以尋野度以步涂度以軌

周文者各因物宜為

之數室中舉謂四壁之內

廟門容大扃七个

扃古熒反下同个古賀反大扃牛鼎之扃長

三尺每局為一個
七個二丈一尺

闔門容小局參个

廟中之門曰闔小局腳鼎之局長二

尺三个

路門不容乘車之五个

乘去聲

路門者大寢之門乘車廣六尺六寸

五个三丈三尺言不容者是兩門乃容之
兩門乃容之則此門半之丈六尺五寸

應門二徹參

个

正門謂之應門謂朝門也二徹之內八尺三个二丈四尺

內有九室九嬪居之外

有九室九卿朝焉

嬪音頻朝直遙反外路門之表也

九室如今朝堂諸曹

治事處九嬪掌婦學之法以教九卿六卿三孤為九卿

九分其國以為九分九卿

治之

九分其國分國之職也三孤三公論道六卿治六官之屬

王宮門阿之制五

雉宮隅之制七雉城隅之制九雉

阿棟也宮隅城隅謂角浮思也雉長三丈

高一丈度高以
高度廣以廣

經涂九軌環涂七軌野涂五軌

廣狹之差也故

書環或作輶杜子春云當
為環環涂謂環城之道

門阿之制以為都城之制

四都

百里外距五百里王子弟所封其
城隅高五丈宮隅門阿皆三丈

宮隅之制以為諸侯

之城制

諸侯畿以外也其城隅制高七丈宮隅門阿皆五丈禮器曰天子諸侯臺門

環涂以

為諸侯經涂野涂以為都經涂

經亦謂城中道諸侯環涂五軌其野涂及都環

涂野涂皆三軌

記明堂者古有之也凡九室一室而有四戶八牖凡

三十六戶七十二牖以茅蓋屋上圓下方赤綴戶也

白綴牖也二九四七五三六一八

記用九室謂法龜文故取此數以明

其制也堂高三尺東西九筵南北七筵九室十二堂室

四戶戶二牖其宮方三百步在近郊近郊三十里淳

登說明堂在國之陽三里之外七里之內丙巳之地韓詩說明堂在南方七里之郊然三十里無所取也

此天子之路寢也不齊不居其室待朝在南宮揖朝

出其南門齊側皆反朝直遙反下同大戴禮

昔者周公朝諸侯於

明堂之位朝直遙反禮儀朝諸侯也不於宗廟辟王也天子

負斧依南鄉而立依於豈反鄉去聲天子周公也負之言背也斧依為斧文屏風於

戶牖之間周
公於前立焉

三公中階之前北面東上諸侯之位阼

階之東西面北上諸伯之國西階之西東面北上諸
子之國門東北面東上諸男之國門西北面東上九
夷之國東門之外西面北上八蠻之國南門之外北
面東上六戎之國西門之外東面南上五狄之國北
門之外南面東上九采之國應門之外北面東上四

塞世告至此周公明堂之位也

塞先代反朝之禮
不於此周公權用之

也朝位之上上近主位尊也九采九州之牧典貢職
者也正門謂之應門二伯帥諸侯而入牧居外而糾

察之也四塞謂夷服鎮服蕃服在四方為蔽塞者新君即位則乃朝周禮侯服歲一見甸服二歲一見男服三歲一見采服四歲一見衛服五歲一見要服六歲一見九州之外謂之蕃國世一見明堂也

者明諸侯之尊卑也

朝於此所以正儀辨等也

明堂位
內宰凡建

國佐后立市設其次置其叙正其肆陳其貨賄出其

度量淳制祭之以陰禮

量音亮淳諸允反君所以建國也建國者必面

市朝者

朝後市王立朝而后立市陰陽相承之義次司次也叙介次也陳猶處也度丈尺也量豆區之屬鄭司農云佐后立市者始立市后立之也祭之以陰禮者市中之社先后所立社也故書淳為敦杜子春讀敦為純純謂幅廣也制謂匹長玄謂純制天子巡狩禮所云制幣丈八尺純四咫與陰禮婦人之祭禮

王畿千里以廛里任國中之地以場圃任園地以宅田
士田賈田任近郊之地以官田牛田賞田牧田任遠郊
之地廛直連反賈音古司馬法曰王國百里為郊二
百里為州三百里為野四百里為縣五百里為都
杜子春云五十里為近郊百里為遠郊玄謂廛里者若
今云邑里居矣廛民居之區域也里居也以廛里任國
中而遂人職授民田夫一廛田百畝是廛里不謂民之
邑居在都城者與圃樹果蒔之屬李秋於中為場樊圃
謂之園宅田致仕者之家所受田也士相見禮曰宅者
在邦則曰市井之臣在野則曰草茅之臣士讀為仕仕
者亦受田所謂圭田也孟子曰自卿以下必有圭田圭
田五十畝賈田在市賈人其家所受田也官田庶人在
官者其家所受田也牛田者以養公家之牛賞田者賞
賜之田牧田者牧六畜之田牛田牧田牧者之家所受

也以公邑之田任甸地

公邑謂六遂餘地天子使大夫治之自此以外皆然二百里三

百里其上下大夫如州長四百里五百里其下大夫如縣正是以或謂二百里為州四百里為縣云遂人亦監焉

以家邑之田任稍地

稍所教反家邑大夫之采地

以小都之田任縣

地

小都卿之采地

以大都之田任甸地

甸居良反采地王子弟所食邑也

大都公之

甸五百里王畿界也皆言任者地之形寔不方平如圖受田邑者遠近不得盡如制其所生有賦貢取正於是

耳凡王畿內方千里積百同九百萬夫之地也有山陵林麓川澤溝瀆城郭宮室涂巷三分去一餘六百萬

夫又以田不易一易再易上中下相通定受田者三萬家也遠郊之內地居四同三十六萬夫之地也三分

去一其餘二十四萬夫六鄉之民七萬五千家通不易一易再易一家受二夫則十五萬夫之地其餘九萬夫

廩里也。場圃也。宅田也。士田也。賈田也。官田也。牛田也。賞田也。牧田也。九者亦通受一夫焉。則半農人也。定受田十二萬家也。食貨志云：農民戶一人已受田，其家衆男爲餘夫，亦以口受田，如比士工商家受田五口，乃當農夫一人。今餘夫在遂地之中，如此則士工商以事入在官而餘夫以力出耕公邑甸，稍縣都合居九十六同八百六十四萬夫之地，城郭宮室差少塗巷又狹於三分所去六而存一焉。以十八分之十三率之，則其餘六百二十四萬夫之地，通上中下六家而受十三夫，定受田二百八十八萬家也。其在甸七萬五千家爲六遂，餘則公邑。疏曰：此一經論任土之法，但天子畿內千里中置國城四面至疆各五百里，百里爲一節，封授不同。今則從近向遠發國中爲始也，但自遠郊百里之內置六鄉七萬五千家，自外餘地有此廩里以至牧里九等所任也。云以公邑之田任甸地者，郊外曰甸，甸在遠郊之外，其中置六遂七萬五千家，餘地既九等之人所受。

以為公邑也。但自此以至畿，畿四處皆有公邑。故據此而言也。云以家邑之田任，稍地者謂天子大夫各受采地二十五里，在三百里之內也。云以小都之田任，縣地者謂天子之卿各受五十里，采地在四百里，縣地之內也。云以大都之田任，蠻地者謂三公及親王子母弟各受百里，采地在五百里，蠻地之中也。名三百里地為稍者，以大夫地少，稍稍給之，故云稍也。四百里為縣者，以四百里采地之外，地為公邑，主之者尊卑如縣正，故司馬法亦名四百里為縣也。五百里為蠻者，以外畔至五百里，畿蠻故以蠻言之。今按郊地四同，六鄉井田在內，甸地十二同，六遂公邑在內，稍地二十同，家邑公邑在內，縣地二十八同，小都公邑在內，蠻地三十六同，大都公邑在內，甸地之外，皆謂之野，公邑家邑小都大都皆謂之都鄙。載師

六鄉之法五

家為比，使之相保，五比為閭，使之相受，四閭為族，使之

相莖五族為黨使之相救五黨為州使之相調五州為

鄉使之相賓

比毗志反調音周之者皆謂立其長而教令使之保猶任也

此所以勸民者也使

救救凶災也賓賓客其賢者故書受為授杜子春云當為受謂民移徙所到則受之所去則出之又云調當為糾謂糾其惡立謂受者宅舍有故相受寄托也調者謂禮物不備相給足也閭二十五家族百家黨五百家州二千五百家鄉萬二千五百家大司徒

六遂之法五家為鄰五鄰為里

四里為鄴五鄴為鄙五鄙為縣五縣為遂皆有地域溝

樹之使各掌其政令刑禁以歲時稽其人民而授之田

野簡其兵器教之稼穡

鄴作管反鄴內比閭族

鄰里鄴鄙縣遂猶黨州鄉也鄭司農

云田野之居其比伍之名與國中異制故五家為鄰五謂異其名者亦相變耳遂之軍法追胥起徒役如六鄉辨其野之土上地中地下地以頒田里上地夫一廛田百晦菜五十晦餘夫亦如之中地夫一廛田百晦菜百晦餘夫亦如之下地夫一廛田百晦菜二百晦餘夫亦如之晦與畝同菜謂休不耕者鄭司農云戶計一夫一婦而賦之田其一户有數口者餘夫亦受此田也廛居也楊子雲有田一廛謂百晦之居也玄謂廛城邑之居孟子所云五晦之宅樹之以桑者也六遂之民奇受一廛雖上地猶有菜皆所以饒遠也王莽時城郭中宅不樹者為不毛出三夫之布凡治野夫間有遂遂上有徑十夫有溝溝上有畛百夫有洫洫上

有涂千夫有澮澮上有道萬夫有山川上有路以達於

畿

畛之恐反澮况逼反澮古外反十夫二鄰之田百

夫一鄰之田千夫二鄰之田萬夫四縣之田遂溝澮

澮

皆所以通水於川也遂廣深各二尺溝倍之澮倍溝

澮

廣二尋深二仞徑畛涂道路皆所以通車徒於國都

也

徑容牛馬畛容大車涂容乘車一軌道容二軌路容

三軌

都之野涂與環涂同可也萬夫者方三十三里少

半里

九而方一同以南畝園之則遂從溝橫澮從澮橫

九澮

而川周其外焉去山陵林麓川澤溝瀆城郭遂

人

凡造都鄙制其地域而封溝之以其室數制之不

易之地家百晦一易之地家二百晦再易之地家三百

晦

都鄙王子弟公卿大夫采地其界曰都鄙所居也王

制曰

天子之縣內方百里之國九七十里之國二十

有一五十里之國六十有三此蓋夏時采地之數周末
聞矣春秋傳曰遷鄭焉而鄙留城郭之宅曰室詩云嗟
我婦子曰為改歲入此室處以其室數制之謂制丘甸
之屬王制曰凡居民量地以制邑度地以居民地邑民
居必參相得鄭司農云不易之地歲種之地美故家百
畝一易之地休一歲乃復種地薄故家二百畝再易之
地休二歲乃復種故乃經土地而井牧其田野九夫為
家三百畝大司徒

井四井為邑四邑為丘四丘為甸四甸為縣四縣為都

以任地事而令貢賦凡稅斂之事

此謂造都鄙也采地制井田異於鄉遂重

立國小司徒為經之立其五溝五塗之界其制似井之
字因取名焉孟子曰夫仁政必自經界始經界不正井
地不均貢祿不平是故暴君姦吏必慢其經界經界既
正分田制祿可坐而定也鄭司農云井牧者春秋傳所

謂井衍沃牧隰臯者也。玄謂隰臯之地九夫為牧，二牧而當一井。今造都鄙授民田，有不易有一易有再易通率二而當一，是之謂井牧。昔夏少康在虞，思有田一成，有衆一旅，一旅之衆而田一成，則井牧之法先古然矣。九夫為井者，方一里九夫所治之田也。此制小司徒經之，匠人為之溝洫，相包乃成耳。邑丘之屬相連比以出田，稅溝洫為除水害，四井為邑，方二里四邑為丘，方四里四丘為甸，甸之言乘也。讀如哀甸之甸，甸方八里旁加一里，則方十里為一成，積百井九百夫，其中六十四井五百七十六夫出田，稅三十六井三百二十四夫治洫，四甸為縣，方二十里四縣為都，方四十里四都方八十里旁加十里乃得方百里為一同也。積萬井九萬夫，其四千九十六井三萬六千八百六十四夫出田，稅二千三百四井二萬七百三十六夫治洫，三千六百井三萬二千四百夫治澮，井田之法備於一同。今止於都者，采地食者皆四之一，其制三等百里之國凡四都一都。

之田稅入於王五十里之國凡四縣一縣之田稅入於王二十五里之國凡四甸一甸之田稅入於王地事謂農牧衡虞也貢謂九穀山澤之材也賦謂出車徒給徭役也司馬法曰六尺為步步百為晦晦百為夫夫三為屋屋三為井井十為通通為匹馬三十家士一人徒二人通十為成成百井三百家革車一乘士十人徒二十人十成為終終千井三十家革車十乘士百人徒二百人十終為同同方百里萬井三萬家革車百乘士千人徒二十人小司徒匠人為溝洫主通利田間之水道耜廣五寸二耜為

耦一耦之伐廣尺深尺謂之畹田首倍之廣二尺深二

尺謂之遂

耜音嗣廣古曠反下同耦音偶畹古犬反古者耜一金兩人併發之其壟中曰畹畹上

曰伐伐之言發也畹畹也今之耜歧頭兩金象古之耦也田一夫之所佃百畝方百步地遂者夫間小溝遂上

亦徑有九夫為井井間廣四尺深四尺謂之溝方十里為

成成間廣八尺深八尺謂之洫方百里為同同間廣二

尋深二仞謂之澮

此畿內采地之制九夫為井井者方一里九夫所治之田也采地制井田

異於鄉遂及公邑三夫為屋屋具也一井之中三屋九夫三三相具以出賦稅共治溝也方十里為成成中容一甸甸方八里出田稅緣邊一里治洫方百里為同同中容四都六十四成方八十里出田稅緣邊十里治澮采地者在三百里四百里五百里之中戴師職曰園廬二十而一近郊十一遠郊二十而三甸稍縣都皆無過十二謂由稅也皆就夫稅之輕近重遠耳滕文公問為國於孟子孟子曰夏后氏五十而貢殷人七十而助周人百畝而徹其實皆什一也徹者徹也助者藉也龍子曰治地莫善於助莫不善於貢貢者校數歲之中以為常

文公又問井田孟子曰請野九一而助國中什一使自賦卿以下必有圭田圭田五十畝餘夫二十五畝死徙無出鄉鄉田同井出入相友守望相助疾病相扶持則百姓親睦方里而井井九百畝其中為公田八家皆私百畝同養公田公事畢然後敢治私事所以別野人也又曰詩云雨我公田遂及我私惟助為有公田由此觀之雖周亦助也魯哀公問於有若曰年饑用不足如之何有若對曰盍徹與曰二吾猶不足如之何其徹也春秋宣公十五年秋初稅畝傳曰非禮也穀出不過藉以豐財也此數者世人謂之錯而疑焉以載師職及司馬法論之周制畿內用夏之貢法稅夫無公田以詩春秋論語孟子論之周制邦國用殷之助法制公田不稅夫貢者自治其所受田貢其稅穀助者借民之力以治公田又使收斂焉畿內用貢法者鄉遂及公邑之吏旦夕從民事為其促之以公使不得恤其私邦國用助法者諸侯專一國之政為其貪暴稅民無藝周之畿內稅有

輕重諸侯謂之徹者通其率以什一為正孟子云野九
夫而稅一國中什一是邦國亦異外內之法耳圭之言
圭絮也周謂之士田鄭司農說以春秋
傳曰有田一成又曰列國一同冬官

王制方一里

者為田九百畝

一里方三百步

方十里者為方一里者百為田

九萬畝方百里者為方十里者百為田九十億畝

億今十萬

方千里者為方百里者百為田九萬億畝

萬億今萬萬也

自

恒山至於南河千里而近

恒胡登反冀州域

自南河至於江千

里而近

豫州域

自江至於衡山千里而遙

荊州域

自東河至

於東海千里而遙

徐州域

自東河至於西河千里而近

亦冀

域州自西河至於流沙千里而遙雍州西不盡流沙南不

盡衡山東不盡東海北不盡恒山凡四海之內斷長補

短方三千里為田八十萬億一萬億畝斷音短九州之大計方

百里者為田九十億畝山陵林麓川澤溝瀆城郭宮室

塗巷三分去一其餘六十億畝麓音鹿瀆音讀去起呂反以一大國為率其

餘所以授民也山足曰麓率音律古者以周尺八尺為步今以周尺六

尺四寸為步古者百畝當今東田百四十六畝三十步

古者百里當今百二十一里六十步四尺二寸二分周尺

之數未詳聞也案禮制周猶以十寸為尺蓋六國時多變亂法度或言周尺八寸則步更為八八六十四寸以此計之古者百畝當今百五十六畝二十步古者百里當今百二十五里

司空執度度

地度度上如字下徒洛反冬官卿掌邦事者度丈尺也

居民山川沮澤時四

時

沮將慮反

燥濕沮謂菜沛

觀寒

量地遠近

制邑井之處

興事任力

事謂築邑

廬宿市也

凡居民材必因天地寒煖燥濕

煖乃管反其材藝堪地氣

也廣谷大川異制

謂其形象

民生其間者異俗

謂其所好惡

剛柔

輕重遲速異齊

齊才細反其情性緩急

謂

五味異和

和胡臥反謂香臭與鹹

苦器械異制

械戶戒反謂作務之用

衣服異宜

謂氈裘與締絺

脩其教不

易其俗齊其政不易其宜

教謂禮義政謂刑禁

凡居民量地以制

邑度地以居民地邑民居必參相得也

得猶足也

無曠土無

游民食節事時民咸安其居樂事勸功尊君親上然後

興學

樂音洛小學大學立

古者公田藉而不稅

藉在亦反籍之言借也

借民力治公田美惡取於此不稅民之所自治也孟子曰夏后氏五十而貢殷人七十而助周人百畝而徹則所謂古者謂殷時市廛而不稅

廛市物邸舍稅其舍不稅其物

關譏而不征

譏

異服識異言征亦稅也周禮國凶札則無門關之征猶譏也

林麓川澤以時入而不

禁

麓山足也

夫圭田無征

夫猶治也征稅也孟子曰卿以下必有圭田治圭田者不稅所以厚

賢也此則周禮之士田以任近郊之地稅什一

田里不粥墓地不請

粥音育皆受於公

民不得私也粥賣也請求也

用民之力歲不過三日

治宮室城郭道渠

其用

之也任老者之事食壯者之食

寬其力饒其食王制

傳季康子欲以一井田出法賦焉使訪孔子子曰丘

弗識也冉有三發卒曰子為國老待子而行若之何

子不言孔子不對而私於冉有曰求汝來汝弗聞乎

先王制土籍田以力

田有稅收藉力以治公田也

而底其遠近

底平

平其遠近俱十一而中

賦里以入而量其有無

里廛里有稅度其有無以為多

少之任力以夫而議其老幼

力作度之事丁夫任其老幼或重或輕

於

是瘠寡孤疾老者軍旅之出則徵之無則已

瘠古頑反於

軍旅之役則鰥寡孤疾或有所取無軍事則止也

其歲收田一井出獲禾秉

正來芻藁不是過

正方有反曰秉四秉

其歲軍旅之歲一把稜穗連藁芻不可分

故曰步在十六斗曰庾也

先王以為之足君子之行必度於禮施

取其厚

度徒洛反施尸豉反施以厚為德也

事舉其中

事以十斂從一為節

其薄若是其以丘亦足矣

斂力艷反丘十六井

不度於禮而

貪冒無厭則雖賦田將有不足且子季孫若以行之而

取法則有周公之典在若欲犯法則苟行之又何訪

焉冒密北反厭於鹽反家語

孟子曰夏后氏五十而貢殷人

七十而助周人百畝而徹其實皆什一也徹者徹也

助者籍也

徹穀列反籍子夜反夏時一夫受田五十畝而每夫計其五畝之入以為貢商人

始為井田之制以六百三十畝之地畫為九區區七十畝中為公田其外八家各受一區但借其力以助耕公田而不復稅其私田周時一夫授田百畝鄉遂用貢法十夫有溝都鄙用助法八家同井耕則通力而作收則計畝而分故謂之徹其實皆什一者貢法固以十分之一為常數惟助法乃是九一而商制不可考周制則公田百畝中以二十畝為廬舍一夫所耕公田實計十畝通私田百畝為十一分而取其一

蓋又輕於十一矣竊料商制亦當似此而以十四畝為廬舍一夫實耕公田七畝是亦不過什一也徹通

也均也

龍子曰治地莫善於助莫不善於貢貢者校

數歲之中以為常樂歲粒米狼戾多取之而不為虐

則寡取之凶年糞其田而不足則必取盈焉為民

父母使民盻盻然將終歲勤動不得以養其父母

又稱貸而益之使老稚轉乎溝壑惡在其為民父母

也樂音洛盻五禮反從目從兮或音普覓反者非養去聲惡平聲龍子古賢人狼戾猶狼藉言多也

糞擁也盈滿也盻恨視也勤動勞苦也稱舉也貸借也取物於人而出息以償之也益之以足取盈之數

也推幼子也

詩云雨我公田遂及我私惟助為有公田由

此觀之雖周亦助也

雨于付反雨降雨也言願天雨於公田而

詩小雅大田之篇

遂及私田先公而後私也當時助法盡廢典籍不存惟有此詩可見周亦用助故引之也

夫仁政

必自經界始經界不正井地不均穀祿不平是故暴

君汙吏必慢其經界經界既正分田制祿可坐而定

也

夫音扶界也此法

不修則田無定分而豪強得以兼井故經界謂治地分田經畫其溝塗封植之

井地有不均賦無定法而貪暴得以多取故穀祿有不平此欲行仁政者之所以必從此始而暴君汙吏則必欲慢而廢之也有以正之則分田制祿可不勞而定矣

無君子莫治野人無

野人莫養君子

養去聲之法不可偏廢也

分田制祿

請野九一而助

國中什一使自賦

此分田制祿之常法所以治野人使養君子也野郊外都鄙之地也

九一而助為公田而行助法也國中郊門之內鄉遂之地也田不井授但為溝洫使什而自賦其一蓋用

貢法也周所謂徹法者蓋如此以此推之卿以下必當時非惟助法不行其貢亦不止什一矣

有圭田圭田五十畝

此世祿常制之外又有圭田所以厚君子也圭潔也所以奉祭

祀也不言世祿者滕已行之但此未備耳

餘夫二十五畝

程子曰一夫上父母下妻子以

五口八口為率受田百畝如有弟是餘夫也年十六別受田二十五畝俟其壯而有室然後更受百畝之

田愚按此百畝常制之外又有餘夫之田以厚野人也

死徙無出鄉鄉田同井

出入相友守望相助疾病相扶持則百姓親睦

死謂葬也

徙謂徙其居也同井者八家也友猶伴也守望防寇盜也

方里而井井九百畝其

中為公田八家皆私百畝同養公田公事畢然後敢

治私事所以別野人也

養去聲別彼列反此詳言井田形體之制乃周之助法

也公田以為君子之祿而私田野人之所受先公後私所以別君子野人之分也不言君子據野人而言省文耳上言野及國中二法此獨詳於治野者國中貢法當世已行但取之過於什一爾 滕文公上

古者曷為什一而籍

什一以借民力以什與民自取其一為公田

公羊

子曰什一者天下之中正也多乎什一大桀小桀

奢泰

多取於民
比於桀也

寡乎什一大貉小貉

貉亡伯反
社稷宗廟百官制度

蠻貉無

之費
稅薄

什一者天下之中正也什一行而頌聲作矣何

休曰聖人制井田之法而口分之一夫一婦受田百

畝以養父母妻子五口為一家井田之義一曰無泄

地氣二曰無費一家三曰同風俗四曰合巧拙五曰

通貨財因井田以為市故俗語曰市井種穀不得種

一穀以備災害田中不得有樹以妨五穀還廬舍種

桑荻雜菜畜五母雞兩母豕瓜果種疆畔女工蠶織

老者得衣帛焉得食肉焉死者得葬焉多於五口名
曰餘夫以率受田二十五畝十井共出兵車一乘司
空謹別田之高下善惡分為三品上田一歲一墾中
田二歲一墾下田三歲一墾肥饒不得獨樂境墾不
得獨苦故三年一換土易居財均力平兵車素定是
謂均民力彊國家在田曰疆在邑曰里一里八十戶
八家共一巷中里為校室選其耆老有高德者名曰
父老其有辯護伉健者為里正皆受倍田得乘馬父

老比三老孝弟官屬里正比庶人在官之吏民春夏
出田秋冬入保城郭田作之時春父老及里正旦開
門坐塾上晏出後時者不得出莫不持樵者不得入
五穀畢入民皆居宅里正趨緝績男女同巷相從夜
績至於夜中故女功一月得四十五日作從十月盡
正月止男女有所怨恨相從而歌饑者歌其食勞者
歌其事男年六十女年五十無子者官衣食之使之
民間求詩鄉移於邑邑移於國國以聞於天子故王

者不出戶牖盡知天下所苦不下堂而知四方十月
事訖父老教於校室八歲者學小學十五者學大學
其有秀者移於鄉學鄉學之秀者移於庠序庠序之
秀者移於國學學於小學諸侯歲貢小學之秀者於
天子學於大學其有秀者命曰造士行同而能偶別
之以射然後爵之士以才能進取君以考功授官三
年耕餘一年之蓄九年耕餘三年之積三十年耕有
十年之儲雖遇唐堯之水殷湯之旱民無近憂四海

之內莫不樂其業故曰頌聲作矣

養去聲荻音狄衣乘並去聲別彼列

反壘康很反樂音洛境苦交反塙完角反校胡教反莫音暮趨音促食音嗣

宣公十四年公羊傳

齊桓公親迎管仲於郊與之坐而問焉管仲對曰昔

者聖王之治天下也參其國而伍其鄙

參三也國郊以內也伍五

也鄙郊以外也謂三分國都以為三軍五分其鄙以為五屬聖王謂若湯武也

定民之居成

民之事

謂使四民各居其職所也若工就官府農就田野所以成其事也

陵為之終

以為葬也

而慎用其六柄焉

柄本也六柄生殺貧富貴賤也

桓公曰成民

之事若何管仲對曰四民者勿使雜處

四民謂士農工商

雜

處則其言唯其事易

唯莫江反
亂貌易變易也

公曰處士農工

商若何管子對曰昔聖王之處士也使就閒燕

閒音

士講學道藝者
閒燕猶清淨也

處工就官府處商就市井處農就田

野今夫士羣萃而州處

集未音扶
萃也處聚也

閒燕則父與父

言義子與子言孝其事君者言敬其幼者言悌少而

習焉其心安焉不見異物而遷焉

少去聲
事也遷移也

是故

其父兄之教不肅而成

肅疾也

其子弟之學不勞而能

夫是故士之子恒為士今夫工羣萃而州處審其四

時

夫音扶恒胡登反下同各有其宜也謂死生凝釋之時也

言四時

辨其功苦

辨功別

牢也苦

權節其用

權平也視其平沈之均也節節其大小輕重也

論比協材

論擇也比比其善惡也協和也和其剛柔也

旦莫從事施於四方

施其物用於四

方以飭其子弟

飭教也

相語以事相示以巧相陳以功

陳亦示也功成功也功善則有賞

少而習焉其心安焉不見異物而

遷焉是故其父兄之教不肅而成其子弟之學不勞

而能夫是故工之子恒為工今夫商羣萃而州處察

其四時

四時所用者預資之也

而監其鄉之資

監居陷反視也資財也視

其貴賤有無

以知其市之賈負任擔荷

任如深反荷下可反背曰負肩曰

擔任抱也荷揭也

服牛輶馬

輶余招反服謂牛服車也輶馬車也詩云駉彼牽牛不以服

箱以周四方

周徧也

以其所有易其所無市賤鬻貴

音鬻

育市取也鬻賣也

旦莫從事於此以飭其子弟相語以利相

示以賴

賴羸也

相陳以知賈

賈音價

少而習焉其心安焉

不見異物而遷焉是故其父兄之教不肅而成其子

弟之學不勞而能夫是故商之子恒為商今夫農羣

萃而州處察其四時

四時樹藝各有宜也

權節其用耒耜枷耨

耜音似枷音加芟師銜反權平也平節其器用小大倨句之宜也枷拂也所以擊草也芟大鎌所以芟

草也及寒擊芟除田芟音杲寒謂季冬大寒之時也芟枯草也以待時耕

時耕謂立春之後及耕深耕而疾擾之以待時雨擾音憂疾速也擾

摩平也時雨至當種之也時雨既至挾其槍刈耨耨槍千旱反耨奴邁反耨音

博在掖曰挾槍耨也以旦暮從事於田野脫衣鎌也耨鐵鉏也耨鉏也

就功首戴茅蒲身衣襍襖襖芳末反襖音適脫解也茅蒲登笠也襖襖袞襖

衣也茅或作萌竹萌之皮所以為笠也霑體塗足霑濡也暴其髮膚盡其

四支之敏敏猶材也以從事於田野少而習焉其心安焉

不見異物而遷焉是故其父兄之教不肅而成其子

弟之學不勞而能是故農之子恒為農野處而不暱

暱近也

其秀民之能為士者必足賴也

秀民民之秀出者也賴恃也

有司見而不以告其罪五

有司掌民之官也罪在五刑也

有司已於

事而竣

竣且旬反畢也竣退伏也

桓公曰定民之居若何管子

對曰制國以為二十一鄉

唐尚書云四民之所居也昭謂國國都城郭之域也

惟士工商而已農不在焉

桓公曰善管子於是制國以為二十一

鄉

二十家為一鄉二十一鄉凡四萬二十家此管仲所制非周法也

工商之鄉六

工商

各三也二者不從成役也

士鄉十五

唐尚書云士與農共十五鄉昭謂此士軍士也十五鄉合

三萬人是在都邑之數則下所云五鄙是也

公帥五鄉焉

五鄉

萬人是在都邑之數則下所云五鄙是也

國子帥五鄉焉高子帥五鄉焉

國子高子皆齊

上卿各帥五鄉為左右軍也

參國起按以為三官

參三也按界也分國事以為三

也臣立三宰

三宰三卿也使掌羣臣也

工立三族

族屬也晉趙盾為苑車之族上

言工商之鄉六則各三也

市立三鄉

市商也商處市井故曰市

澤立三虞

周禮有澤

虞之官虞度也掌度知川澤之大小及所生育者

山立三衡

周禮有山虞林衡之官衡平也

掌平其政也

桓公曰伍鄙若何

管子上言參其國而伍其鄙內政既備故復問伍鄙

事管子對曰制鄙三十家為邑邑有司制野鄙之政也此以下與

郊內之制異也十邑為卒卒有卒帥十卒為鄉鄉有鄉帥三

鄉為縣縣有縣帥十縣為屬屬有大夫五屬故立五

大夫各使治一屬焉帥所類反五屬也立五正正長也

各使聽一屬焉是故正之政聽屬正五正也聽大夫之治也牧政

聽縣牧五屬大夫也聽縣帥之治下政聽鄉下政縣帥也聽鄉帥之治也桓公

曰各保治爾所無或淫怠而不聽治者齊語楚為掩

為司馬子木使庀賦庀匹婢反數甲兵數色主反為

掩書土田

書土地之所宜

度山林

度徒洛反林之材以共國用

鳩藪

鳩藪

澤

數素口反民不得焚燎

鳩聚也聚成藪澤使

辨京陵

辨別也絕高曰

京大阜曰陵別之以為冢墓之地

表淳鹵

鹵音魯之地表異輕其賦

稅數疆

數疆

潦

數色主反潦音老有流潦者計數減其租

規偃豬

偃豬

偃於建反

規

度其受水多少

町原防

町徒頃反間地不得方正

廣平曰

原防隄也

隄防

町

牧隰臯

隰臯水涯下濕為芻牧之地

井衍沃

衍以善反美之地則如周禮制

井

沃平

以為井田六尺為步步百為畝畝百為夫九夫為井

量入脩賦

量九土之所入

而治理其賦稅

稅

賦車籍馬

籍疏其毛色歲齒以備軍用

賦車兵

車兵

徒卒

步甲楯

之數

楯食準反
器杖有常數

使

既成以授子木禮也

襄二十五年左氏傳

儀禮集傳集註卷二十九

欽定四庫全書

儀禮集傳集註卷三十

宋 朱子 撰

王朝禮七

王制之丙

王禮

天子者與天地參故德配天地兼利萬物與日月並明
明照四海而不遺微小其在朝廷則道仁聖禮義之序
恐當作言燕處則聽雅頌之音行步則有環佩之聲升車則

有鸞和之音居處有禮進退有度百官得其宜萬事得其序詩云淑人君子其儀不忒正是四國此之謂也

參七

南反朝直遙反忒吐得反道猶言也環佩環佩玉也所以為行節也玉藻曰進則揖退則揚之然後玉鐙鳴也環取其無窮止玉則比德焉孔子佩象環五寸人君之環其制未聞也鸞和皆鈴也所以為車行節也韓詩內傳曰鸞在衡和在式故升車則馬動馬動則鸞鳴鸞鳴則和應居處朝廷與燕也進退行步與升車也發號出令而民說謂之和上下相親謂之仁民不求其所欲而得之謂之信除去天地之害謂之義義與信和與仁帝王之器也有治民之意而無其器則不成

說音悅

器謂所操以作事者也義
信和仁皆存乎禮經解

是以天子之禮有五門曰

皋門曰雉門曰庫門曰應門曰路門三朝曰外朝曰治

朝曰內朝

應應對之應朝直遙反
門外曰皋門二曰雉門三

鄭司農云王有五

五曰路門路門一曰畢門外朝在路門外內朝在路門
內左九棘右九棘左嘉石右肺石明堂位說魯公宮曰

庫門天子皋門雉門天子應門言魯用天子之禮所名
曰庫門者如天子皋門所名曰雉門者如天子應門此

名制二兼四則魯無皋門應門矣檀弓曰魯莊公之喪
既葬而經不入庫門言其除喪而反由外來是庫門在

雉門外必矣如是王五門雉門為中門雉門設兩觀與
今之宮門同闢人幾出入者窮民蓋不得入也郊特牲

譏繹於庫門內言遠當於廟門廟在庫門之內見於此
矣小宗伯職曰建國之神位右社稷左宗廟然則外朝

在庫門之外，臯門之內，與今司徒府有天子以下大會殿，亦古之外朝哉？周天子諸侯皆有三朝：外朝、一內朝、二內朝。之在路門內者，或謂之燕朝。秋官朝士注朝士掌外朝之法，左九棘

孤卿大夫位焉，羣士在其後，右九棘公侯伯子男位焉。

羣吏在其後面，三槐三公位焉。州長衆庶在其後，左嘉

石平罷民焉，右肺石達窮民焉。

朝直遙反，長丁丈反。罷音疲。樹棘以為位者。

取其赤心而外刺象以赤心三刺也。槐之言懷也。懷來人於此，欲與之謀。羣吏謂府史也。州長鄉遂之官。帥

其屬而以鞭呼趨，且辟。

辟，匹亦反。行人執鞭以威之。

趨，朝辟。

禁慢朝，錯

立族談者。

慢，朝謂臨朝不肅敬也。錯，立族談違其位傳語也。

傳子損反。

小司寇掌外

朝之政以致萬民而詢焉一曰詢國危二曰詢國遷三

曰詢立君

朝直遙反 外朝朝在堆門之外者也國危謂有兵寇之難國遷謂徙都改邑也立君謂

無冢適選於庶也鄭司農云致萬民聚萬民也詢謀也詩曰詢于薊莧書曰謀及庶人其位王南

鄉三公及州長百姓北面羣臣西面羣吏東面

鄉音向長丁丈

反羣臣卿大夫士也羣吏府史也其孤不見者孤從羣臣卿大夫在公後小司寇擯以叙

進而問焉以衆輔志而弊謀

擯必必反 擯謂揖之使前也叙更也輔志者尊王

也賢明司士掌治朝之法正其朝儀之位辨其貴賤之等

王南鄉三公北面東上孤東面北上卿大夫西面北上

王族故士虎士在路門之右南面東上大僕大右大僕

從者在路門之左南面西上

朝直遙反鄉音嚮大僕大右之大音泰從才用反

此王日視朝事於路門外之位王族故士故為士晚退留宿衛者未嘗仕雖同族不得在王宮大右司右也大

僕從者小臣祭僕御僕隸僕

司士擯

詔王出揖公卿大夫以下朝者

孤卿特揖大夫

以其等旅揖士旁三揖王還揖門左揖門右

特揖一一揖之旅衆

也大夫爵同者衆揖之公及孤卿大夫始入門右皆北面東上王揖之乃就位羣士及故士大僕之屬發在其

位羣士位東面王西南鄉而揖之三揖者士有上中下王揖之皆遠適既復位鄭司農云卿大夫士皆君之所

揖禮春秋傳所謂三揖在下

大僕前

大音泰前正王視朝之位

王入內朝皆退

朝直遙反王入路門也王入路門內朝朝者皆退
反其官府治處也王之外朝則朝士掌焉玉藻曰朝服
以日視朝於內朝朝辨色始入君日出而視之退適路
寢聽政使人視大夫大夫退然後適小寢謂諸侯也王
日視朝皮弁服其禮則同王眠燕朝則大僕正位掌擯相眠音視相去聲

燕朝朝於路寢之庭王圖宗人之嘉事則燕朝
國語合神事於內朝記公族朝于內朝大僕

王六寢后六宮

陳祥道曰王大寢一小寢五大寢聽政
嚮明而治也故在前小寢擇服燕息也

故在後先儒謂王小寢五而一寢在中四寢於四角春
居東北夏居東南秋居西南冬居西北土王之月居中
后之六宮亦正宮在前五宮在
後其制如王之五寢禮書小宰之職掌建邦之

宮刑以治王宮之政令凡宮之糾禁

杜子春云宮皆當
為官玄謂宮刑在

王宮中者之刑建明布告之糾

猶割也察也若今御史中丞正歲以宮刑憲禁于王

宮

憲謂表縣之若

士師掌宮禁宰夫正歲以法警戒羣

吏令脩宮中之職事

警勅戒之言

宮正掌王宮之戒令糾禁

糾猶割也

以時比宮中之官府次舍之衆寡

比毗志反官府之在宮

中者若膳夫王府內宰內史之屬次諸吏直宿若今部署諸廬者舍其所居寺

辨外內而時禁

鄭司農云分別外人

內人禁其非時出入稽其功緒糾其德行

行下孟反稽猶考也計

也功吏職也

幾其出入均其稍食

稍所教反

鄭司農云幾其出入若今時

宮中有罪禁止不得出亦不得入及無引籍不得入宮司馬殿門也玄謂幾呵其衣服持操及疏數者稍食祿

稟去其淫怠與其奇褻之民

去起呂反奇音羈褻似嗟反民宮中吏之家人也

淫放濫也怠解慢也奇褻譎觝非常

會其什伍而教之道藝

五人為伍二伍為什會之

者使之輩作輩學相勸率且寄宿衛之令鄭司農云道謂先王所以教道民者藝謂禮樂射御書數

宮伯

掌王宮之士庶子凡在版者

鄭司農云庶子宿衛之官版名籍也以版為之今時

鄉戶籍謂之戶版玄謂王宮之士謂王宮中諸吏之適子也庶子其支庶也

掌其政令行其

秩叙作其徒役之事

秩祿稟也叙才等也作徒役之事大子所用

授八次八

舍之職事

鄭司農云庶子夏官諸子所領國子之倅而掌其教治者也國子之倅謂公卿大夫士之

子是父之副貳教治謂使之脩德學道也國有大事則授之車甲合其卒伍以軍法治之祭祀用樂則大胥以

鼓徵之而序其宮中之事八次八舍衛王宮者必居四角四中於徵候便也次其宿衛所在舍其休沐之處

諸子國有大事則帥國子而致於天子唯所用之若有

兵甲之事則授之車甲合其卒伍置其有司以軍法治

之司馬弗正

天子之大音泰正音征五人為伍弗不也國子屬天子司馬雖有

軍法百人為卒

軍事不賦之

凡國之政事國子存遊倅使之脩德學道春合

諸學秋合諸射以攷其藝而進退之

倅倅七內反倅之未仕者學大

遊倅

學也射射宮也王制曰春秋教以禮樂冬夏教以詩書

王太子王子羣后之太子卿大夫元士之適子國之俊

造馬虎賁氏掌虎士八百人以先後王而趨以卒伍

賁音

奔王出將虎賁士居前後雖舍則守王閑舍王出所

羣行亦有局分將子匠反王在國則守王宮為周國有大故則守王門旅賁氏

夾王車而趨賁音閹人掌守王宮之中門之禁閹音昏

於外內為中若令宮闕門鄭司農云王有五門外曰皋

門二曰雉門三曰庫門四曰應門五曰路門路門一曰

秋傳曰雉門災及兩觀喪服凶器不入宮潛服賊器

不入宮奇服怪民不入宮喪服衰經也凶器明器也潛

器兵物皆有刻識奇服衣非常司隸掌罪隸蠻隸閹隸

貉隸夷隸各百有二十人使各服其邦之服執其邦之

兵以守王宮與野舍之厲禁

閩亡中反
貉孟百反

師氏亦使其屬

帥四翟之隸各以其服守王門保氏使其屬守王聞

膳夫掌王之食飲膳羞凡王之饋食用六穀膳用六牲

飲用六清羞用百有二十品珍用八物醬用百有二十

甕

甕屋貢反
饌也六牲馬牛羊豕犬雞也

進物於尊者曰饋此饋之盛者王舉之
羞出於牲及禽獸以備

滋味謂之庶羞公食大夫禮內則下大夫十六上大夫
二十其物數備焉天子諸侯有其數而物未得盡聞珍
謂淳熬淳母炮豚炮牂擣珍漬熬肝骨也醬謂醢醢也
王舉則醢人共醢六十甕以五醢七醢七菹二醢實之
醢人共醢菹醢物六十甕鄭司農云羞進也六穀
徐黍稷粱麥苽苽彫胡也六清水漿醴醢醫醢

王曰

一舉鼎十有二物皆有俎

殺牲盛饌曰舉王日一舉以朝食也后與王同庖鼎十有

二牢鼎九陪鼎三物謂牢鼎之實亦九俎

以樂侑食膳夫授祭品嘗食王乃

食

侑猶勸也祭謂扞肺脊也禮飲食必祭示有所先品者每物皆嘗之道尊者也

卒食以樂徹

于造

造作也鄭司農云造謂食之故所居處也已食徹置故處

王齊日三舉

齊側皆反鄭

司農云齊必變食

酒正掌五齊一曰泛齊二曰醴齊三曰盎齊

四曰緹齊五曰沈齊

齊才細反盎烏浪反緹音體者成而滓浮泛泛然如今宜成

醴

矣醴猶體也成而汁滓相將如今恬酒矣盎猶翁也成而翁翁然葱白色如今鄭白矣緹者成而紅赤如今下酒矣沈者成而滓沈如今造清矣自醴以上尤濁縮酌者盎以下差清其象類則然古之法式未可盡聞杜子

春讀齊皆為菜又云禮器曰緹酒之用玄酒
之尚玄謂齊者每有祭祀以度量節作之
三酒之物

一曰事酒二曰昔酒三曰清酒
鄭司農云事酒有事而飲也
昔酒無事而飲也

清酒祭祀之酒玄謂事酒酌有事者之酒其酒則今之
醪酒也昔酒今之茵久白酒所謂舊醪者也清酒今中

山冬釀接
夏而成
四飲之物一曰清二曰醫三曰漿四曰醕
醫於

已反醕以支反清謂醕之汴者醫內則所謂或以醕
為醕凡醕濁釀醕為之則少清矣醫之字從毳從酉省
也漿今之載漿也醕今之粥內則有黍醕醕飲粥稀者
之清也鄭司農云以內則曰飲重醕稻醕清酒黍醕清
酒梁醕清酒或以醕為醕漿水臆后致飲于賓客之禮
有醫醕糟糟音聲與酒相似醫與臆亦相似文字不同
記之者各異
耳此皆一物
有太府以受其貨賄之入關市之賦以

待王之膳服邦中之賦以待賓客四郊之賦以待稍秣
家削之賦以待匪頒邦甸之賦以待工事邦縣之賦以
待幣帛邦都之賦以待祭祀山澤之賦以待喪紀幣餘
之賦以待賜予凡邦國之貢以待弔用凡萬民之貢以
充府庫凡式貢之財以共玩好之用而金玉玩好玉府
掌之良兵良器內府掌之王及后世子之衣服之用則
外府掌之

大音泰稍削並所教反頒
音班予音與好呼報反

王之吉服祀昊

天上帝則服大裘而冕祀五帝亦如之享先王則衮冕

享先公饗射則驚冕祀四望山川則毳冕祭社稷五祀

則希冕祭羣小祀則玄冕凡兵事韋弁服眡朝則皮弁

服凡甸冠弁服凡凶事服弁服凡弔事弁經服

驚必減反毳昌

銳反希本又作絺陟里反眡音示朝直遙反經徒結反註並見器服篇司服

五路一曰

玉路建大常以祀金路建大旂以賓同姓以封象路建

大赤以朝異姓以封革路建大白以即戎以封四衛木

路以田以封蕃國

大常音泰朝直遙反註見器服篇巾車

宗祝在廟

三公在朝三老在學王前巫而後史卜筮瞽侑皆在左

右王中心無為也以守至正

朝直遙反此所以達禮於下也教民尊神慎居處

也宗宗人也替樂人也侑四輔也禮運

天子出戶而巫覡有事出門而宗

祝有事

覡胡的反出戶謂出內門也女曰巫男曰覡有事祓除不祥出門謂車駕出國門宗者主祭

祀之官有事謂祭行神也原闕

古者天子必有四鄰前曰疑後曰

丞左曰輔右曰弼天子有問無以對責之疑可志而不

志責之丞可正而不正責之輔可揚而不揚責之弼其

爵視卿其祿視次國之君也

尚書大傳

周公作立政以戒成

王曰虎賁綴衣趣馬小尹

賁音奔綴丁衛反趣七口反趣馬掌馬之官言此三者

欽定四庫全書

卷三十

九

雖小官長必慎擇其人

左右攜僕百司庶府

雖左右攜持器物之僕及百官有司主券

與藏吏亦皆擇人

繼自今立政其勿以儉人其惟吉士用勸相

我國家

勸音邁相息亮反惟以吉士勉治我國家

立政之臣

昔成王與弟

叔虞戲削桐葉為珪以與叔虞曰以此封若史佚因請

擇日立叔虞成王曰吾與之戲耳史佚曰天子無戲言

言則史書之禮成之樂歌之於是遂封叔虞於唐

佚音逸

通鑑

曾子問於夫子曰敢問從父之令可謂孝乎子曰

是何言與是何言與昔者天子有爭臣七人雖無道不

失其天下諸侯有爭臣五人雖無道不失其國大夫有
爭臣三人雖無道不失其家士有爭友則身不離於令
名父有爭子則身不陷於不義故當不義則子不可以
不爭於父臣不可以不爭於君故當不義則爭之從父
之令又焉得為孝乎

與音餘爭音諍離力智
反焉於虔反

孝經

冢宰以


八柄詔王馭羣臣一曰爵以馭其貴二曰祿以馭其富
三曰予以馭其幸四曰置以馭其行五曰生以馭其福
六曰奪以馭其貧七曰廢以馭其罪八曰誅以馭其過

馭音御予音與行下孟反柄所秉執以起事者也詔告也助也爵謂公侯伯子男卿大夫士也詩云誨爾序爵言教王以賢否之第次也班祿所以富臣下書曰凡厥正人既富方穀幸謂言行偶合於善則有以賜予之以勸後也生猶養也賢臣之老者王有以養之成王封伯禽於魯曰生以養周公死以為周公後是也五福一曰壽奪謂臣有大罪沒入家財者六極四曰貧廢猶放也舜殛鯀于羽山是也誅責讓也曲禮曰齒路馬有誅凡言馭者所以善以八統詔王馭萬民一曰親親二曰敬敵之內之於善以八統詔王馭萬民一曰親親二曰敬故三曰進賢四曰使能五曰保庸六曰尊賢七曰達吏八曰禮賓統所以合牽以等物也親親若克親九族也敬故不慢舊也晏平仲久而敬之賢有善行也能多才藝者保庸安有功者尊貴尊天下之貴者孟子曰天下之達尊者三曰爵也德也齒也祭義曰先王

之所以治天下者五貴有德貴貴貴老敬長慈幼達吏
察舉勤勞之小吏也禮賓賓客諸侯所以示民親仁善
鄰

荀卿子曰人主者天下之利勢也得道以持之則
大安也大榮也積美之源也不得其道以持之則大危
也大累也有之不如無之及其綦也求為匹夫不可得
也

累去聲綦或為
其謂窮極之時



儀禮集傳集註卷三十

欽定四庫全書

經部

儀禮集傳集註卷三十一

詳校官尚書臣德保

給事中臣溫常綬覆勘

總校官進士臣繆琪

校對官監丞臣張魯炳

謄錄監生臣錢雋選

欽定四庫全書

儀禮集傳集註卷三十一

宋 朱子 撰

王朝禮八

王制之丁

王事

舜典歲二月東巡守至于岱宗柴

守詩敕反下同
侯為天子守土故稱

守巡行之既班瑞之明月乃順春東巡

岱宗泰山為四岳所宗燔柴祭天告至望秩于山川

諸侯境內名山大川如其秩次望祭之謂五

岳牲禮視三公四瀆視諸侯其餘視伯子男肆覲東后

遂見東方之國君協時月正日同律度量衡量力尚反 台四

小日之甲乙使齊一也律法修五禮五玉修吉凶賓軍

制及尺丈斛斗斤兩皆均同嘉之禮五等

諸侯執其玉三帛二生一死贊贊音至 三帛諸侯世子執

黃二生卿執羔大夫執鴈一死士如五器卒乃復卒終

執也器謂圭璧如五器禮終五月南巡守至于南岳如岱

則還之三帛生死則否禮南岳衡山自東八月西巡守至于西岳如初西岳華

岳南巡五月至岳南八月西巡守至于北岳如西禮北岳恒山歸格于藝

宗十有一月朔巡守至于北岳如西禮北岳恒山歸格于藝

祖用特巡守四岳然後歸告至文祖之五載一巡守羣

廟藝文也言祖則考著特一牛

后四朝

四朝直遙反

各會朝于方岳之下凡四處故曰

則然堯

又可知敷奏以言明試以功車服以庸

敷陳奏進也諸侯四朝各使陳

進治理之言明試其言以要其功

王制諸侯之於天

子也比年一小聘三年一大聘五年一朝

直遙反

年每歲也小聘使大夫大聘使卿朝則君自行然此大聘與朝晉文霸時所制也虞夏之制諸侯歲朝周之制

侯甸男采衛要服六

者各以其服數來朝

天子巡守問百年者就見之

就見命大師陳詩以觀民風

大音泰陳詩謂采其詩而視之命市

納賈以觀民之所好惡志淫好辟

賈音嫁好惡並去聲辟音僻市典市者

賈謂物貴賤厚薄也質則用物貴淫則侈物貴民之志淫邪則其所好者不正命典禮考時月

定日同律禮樂制度衣服正之同陰律也山川神祇有不舉

者為不敬不敬者君削以地舉猶祭也宗廟有不順者為不

孝不孝者君絀以爵絀丑律反者謂若逆昭穆變禮易樂者為

不從不從者君流流放也革制度衣服者為畔畔者君討

討誅也有功德於民者加地進律律法也歸假于祖禰用特

假音格禰乃禮反假至也天子將出類乎上帝宜乎

社造乎禰諸侯將出宜乎社造乎禰造七報反帝謂五德之帝所祭於

南郊者類宜造
皆祭名其禮亡

天子無事與諸侯相見曰朝

朝直遙反
事謂征

伐考禮正刑一德以尊于天子 周制六年五服一朝

朝直遙反下同
男采衛六年一朝會京師

又六年王乃時巡考制度

于四岳

周制十二年一巡守
時巡考正制度禮法于四岳之下如虞帝巡守

然諸侯各朝于方岳大明黜陟

黜四方諸侯各朝于方
岳之下大明考績黜陟

之法
周官

大行人王之所以撫邦國諸侯者歲徧存三

歲徧覲五歲徧省七歲屬象胥諭言語協辭命九歲屬

瞽史諭書名聽聲音十有一歲達瑞節同度量成牢禮

同數器脩法則十有二歲王巡守殷國

編音遍覲通弔反省悲井反屬

音燭量音亮守詩救反撫猶安也存覲省者王使臣於諸侯之禮所謂問問也歲者巡守之明歲以為始也屬猶聚也自五歲之後遂間歲徧省也七歲省而召其象胥九歲省而召其瞽史皆聚於天子之宮教習之也故書協辭命作叶詞命鄭司農云象胥譯官也叶當為叶詞當為辭書或為叶辭命玄謂胥讀為譌王制曰五方之民言語不通嗜慾不同達其志通其慾東方曰寄南方曰象西方曰狄鞮北方曰譯此官正為象者周始有越重譯而來獻是因通言語之官為象胥云謂謂象之有才知者也辭命六辭之命也瞽樂師也史大史小史也書名書之字也古曰名聘禮曰百名以上至十一歲又徧省焉度丈尺也量豆區釜也數器銓衡也法八法也則八則也達同成脩皆謂齋其法式行至則齊等之也成平也平其僭踰者也王巡守諸侯會者各以其

時之方書曰遂覲東后是也其時聘以結諸侯之好殷

覲以除邦國之慝王好去聲慝吐得反此二事者亦以

者亦無常期天子有事諸侯使大夫來聘以禮見之禮

而遣之所以結其恩好也天子無事則已殷覲謂一服

朝之歲也慝猶惡也一服朝之歲五服諸侯皆使卿以

聘禮來覲天子天子以禮見之命以政禁之事所以除

其惡行也間問以諭諸侯之志歸服以交諸侯之福賀慶以

贊諸侯之喜致禮以補諸侯之裁反間間廁之間服上忍

王使臣於諸侯之禮也間問者間歲一問諸侯謂存省

之屬諭諸侯之志者諭言語諭書名其類也交或往或

來者也贊助也致禮凶禮之弔禮禮也

補諸侯裁者若春秋澶淵之會謀歸宋財

小行人達

六節山國用虎節土國用人節澤國用龍節皆以金為之道路用旌節門闕用符節都鄙用管節皆以竹為之

此謂邦國之節也達之者使之四方亦皆齎法式以齊等之也諸侯使臣行覲聘則以金節授之以為行道之信也虎人龍者自其國象也道路謂鄉遂大夫也都鄙者公之子弟及卿大夫之采地之吏也凡邦國之民遠出至他邦他邦之民若來入由國門者門人為之節由闕者闕人為之節其以徵令及家徙鄉遂大夫及采地吏為之節皆使人執節將之以達之亦有期以反節管節如今之竹使符也其有商者通之以符節如門闕門闕者與市聯事節可同也亦所以異於畿內也凡節有天子法式存於國若國札喪則令賻補之若國凶荒則令賙委之若國師役則令槁禴之若

國有福事則令慶賀之若國有禍裁則令哀弔之凡此

五物者治其事故

賻音附稿苦報反禮音會作傳稿為槨鄭司農云賻補之謂賻

故書賻

喪家補助其不足也若令時一室二尸則官與之棺也槨當為槨謂槨師也玄謂師役者國有兵寇以匱病者也使鄰國合會財貨以與之春秋定五年夏歸粟於蔡是也宗伯職曰以禮禮哀園敗禍裁水火及其

萬民之利害為一書其禮俗政事教治刑禁之逆順為

一書其悖逆暴亂作慝猶犯令者為一書其札喪凶荒

厄貧為一書其康樂和親安平為一書凡此五物者每

國辨異之以反命于王以周知天下之故

悖必內反慝吐得反札側

洛八反厄鳥隔反樂音
慝惡也猶圖也

司儀將合諸侯則令為壇三成

宮旁一門

合諸侯謂有事而會也為壇于國外以命事
宮謂壇土以為牆處所謂為壇壇宮也天子

春帥諸侯拜日於東郊則為壇於國東夏禮日於南郊
則為壇於國南秋禮山川丘陵於西郊則為壇於國西
冬禮月四瀆於北郊則為壇於國北既拜禮而還加方
明於壇上而祀焉所以教尊尊也覲禮曰諸侯覲於天
子為宮方三百步四門壇十有二尋深四尺是也王巡
守殷國而同則其為宮亦如此與鄭司農云三成三重
也爾雅曰丘一成為敦丘再成詔王儀南鄉見諸侯土
為陶丘三成為昆侖丘謂三重
揖庶姓時揖異姓天揖同姓
鄉音嚮謂王既禮方明
諸侯上介皆奉其君之旂
置于宮乃詔王升壇諸侯皆就其旂而立諸公中階之
前北面東上諸侯東階之東西面北上諸侯西階之西

東面北上諸子門東北面東上諸男門西北面東上王揖之者定其位也庶姓無親者也王揖推手小下之也異姓昏姻也時揖平推手也衛將軍父子曰獨居思仁公言言義其聞詩也一日三復白圭之玷是南宮縚之行也夫子言其仁以為異姓及其擯之各以其禮公於謂妻之也天揖推手小舉之

上等侯伯於中等子男於下等

擯乃乃反謂執玉而前見於王也擯之各以

其禮者謂擯公者五人侯伯四人子男三人也上等中等下等者謂所奠玉處也壇三成深四尺則一等一尺也壇一十有二尋方九十六尺則堂上二丈四尺每等大一尺與諸侯各于其等奠玉降拜升成拜明臣禮也既乃升堂授王玉其將幣亦如之
將幣享也皆於其等之上掌客王合諸

侯而饗禮則具十有二牢庶具百物備諸侯長十有再

獻

長丁丈反男盡在是兼饗之莫敢用也

饗諸侯而用王禮之數者以公侯伯子

獻公侯以下如其命數

王巡守殷國則國君膳以牲犢令百官百

牲皆具從者三公眡上公之禮卿眡侯伯之禮大夫眡

子男之禮士眡諸侯之卿禮庶子壹眡其大夫之禮

守

救反從才用反眡音示國君者王所過之國君犢鷩栗之犢也以膳天子貴誠也牲孕天子不食也祭帝不用也凡賓客則皆角尺令者掌客令主國也百牲皆具言無有不具備

職方氏王將巡

守則戒于四方曰各脩平乃守攷乃職事無敢不敬戒

國有大刑

守詩救反乃猶女也守謂國境之內職事所當共具

及王之所行先

道帥其屬而巡戒令

先道先由王所從道居前行其前日所戒之令

王殷國亦

如之

殷猶衆也十二歲王若不巡守則六服盡朝謂之殷國具戒四方諸侯與巡守同

土訓

誦訓王巡守則夾王車土方氏樹王舍

為之藩羅

天子適

諸侯曰巡狩巡狩者巡所守也諸侯朝於天子曰述職

述職者述所職也無非事者春省耕而補不足秋省斂

而助不給夏諺曰吾王不遊吾何以休吾王不豫吾何

以助一遊一豫為諸侯度

狩舒教反省悉井反也省視也斂收獲也給亦足

也夏諺夏時之俗語也豫樂也巡所守巡行諸侯所守之土也述所職陳其所受之職也皆無有無事而空行

者而又春秋循行郊野察民之所不足而補助之故夏
諺以為王者一遊一豫皆有恩惠以及民而諸侯皆取
法焉不敢無事慢遊以病其民也

梁惠王下

入其疆土地辟田野治養老尊

賢俊傑在位則有慶慶以地入其疆土地荒蕪遺老失

賢培克在位則有讓一不朝則貶其爵再不朝則削其

地三不朝則六師移之

辟音闢培蒲侯反朝直遙反
慶賞也孟其地以賞之也培克

聚斂也讓責也移之者誅其人而變置之也自入其疆
至則有讓言巡狩之事自一不朝至六師移之言述職

之事
告子下

神農之法曰丈夫丁壯而不耕天下有受其

饑者婦人當年而不織天下有受其寒者故身自耕妻

親織以為天下先

原闕

昔者天子為藉千畝冕而朱

紘躬秉耒諸侯為藉百畝冕而青紘躬秉耒以事天地

山川社稷先古以為醴酪齊盛於是乎取之敬之至也

紘

音宏酪音洛齊音資盛音成藉藉田也先古先祖

祭義

內宰中春詔后帥外

內命婦始蠶于北郊以為祭服

中音仲人以純陰

蠶于北郊婦人以純陰為尊郊必有

公桑蠶至焉

歲終則會內人之稍食稽其功事

會古外反稍所教反內

人主謂九御

佐后而受獻功者比其小大與其麤良而賞罰

之

比毗志反云烝而獻功

玄謂

典

婦功曰及

秋獻功

上

春詔王后

上

春詔王后

帥六宮之人而生種稂之種而獻之于王

音六 種直龍反 稂六宮

之人夫人以下分居后之六宮者古者使后宮藏種以其有傳類蕃孽之祥必生而獻之示能育之使不傷敗且以佐王耕事共禘郊也鄭司農云先種後熟謂之種後種前熟謂之稂王當以耕種于藉田玄謂詩云黍稷種稂是也夫人以下分居后之六宮者每宮九嬪一世婦三人女御九人其餘九嬪三人世婦九人女御二人又上十五日唯其所燕息焉從后者五日而沐浴其次又上十五日而徧云夫人如三公從容論婦禮

民之大事在農

穀民之本故農為大事也

上帝之粢盛於是乎出

子粢

私反盛音成也器實曰粢在器曰盛

出於農

民之蕃庶於是乎生

蕃息也事庶衆也

之供給於是乎在

供具也給足也

和協輯睦於是乎興

協和也輯聚也

睦親也

財用蕃殖於是乎始

殖長也

敦龐純固於是乎成

莫龐

江反

敦厚也

龐大也

是故稷為大官

民之大事在農故稷之職為大官也

古者太

史順時

視

土陽瘳

瘳丁反

憤盈土氣震發

視也瘳厚也憤積

也盈滿也震動也發起也

農祥晨正

農祥房星也晨中於午也農事之候故曰農

也

日月底于天廟

底至也天廟營室也孟春之月日月皆在營室也

土乃脈發

脈理也農書曰春土冒振陳根可拔耕者急發

先時九日

先先立春日也

太史告稷曰

自今至于初吉

初吉二月朔日也詩云二月初吉

陽氣俱蒸土膏其動

蒸升也膏潤也其動潤澤欲行也

弗震弗渝脈其滿青穀乃不殖

震動也渝

變也肯灾也言陽氣俱升土膏欲動當即發動變稷以寫其氣不然則脉萌氣結更為灾疫穀乃不殖也

告

以太史之言告王

王曰史帥陽官以命我司事

史太史陽官春官司事主

農事官也

曰距今九日土其俱動

距去也

王其祗被監農不易

被音弗除也不易不易物土之宜也

祗敬也祗齊戒祗

王乃使司徒咸戒公卿百

吏庶民

百吏百官庶民甸師氏所掌之民也主耕耨王之藉田者

司空除壇于藉

掌地也

命農大夫咸戒農用

農大夫田畯也農用田器也

先時五日

時也 暨告有協風至

暨樂大師知風聲者也協和也風至也立春曰融風也 王

即齊宮

齊側皆反所齊之宮也

百官御事各即其齊三日

御治也 王

乃淳

淳之純反

濯饗醴

淳沃也濯溉也饗飲也謂王沐浴飲醴酒也

及期

期耕也鬱

人薦鬯

鬯音暢人掌裸器

凡祭祀賓客和鬱鬯以實彝而陳之鬱鬱金香草宜以和鬯酒也周禮鬱

共王之齊鬯也

犧人薦醴

犧人司構掌共酒醴

王裸鬯饗禮乃行

裸灌也灌鬯飲

醴皆所以自香潔也

百吏庶民畢從及藉后稷監之

監察也

膳夫農

正陳藉禮

膳夫上士也掌王之飲食膳羞之饋食農正田大夫也主敷陳藉禮而祭其神為農祈也

大史贊王

贊導也

王敬從之王耕一墾

鉢伐也

班三之

班次也王

耕一墾一耜之發也耜廣五寸二耜為耦一耦之發廣尺深尺三之下各三其上也王一墾公三卿九大夫二

十七也

庶民終于千畝

終盡耕也

其后稷省

省息井切

功太史監

之司徒省民大師監之畢宰夫陳饗膳宰監之

宰夫下大夫膳

宰膳夫也

膳夫贊王王歆大牢

歆饗也

班嘗之

公卿大夫也

庶人終

食

終畢也

是日也瞽帥音官以省風土

音官樂官風土以音律省土風風氣

和則土氣養也

廩于籍東南鍾而藏之

廩御廩也一名神倉東南生長之處鍾聚也謂

為廩以藏王所藉田以奉粢盛也

而時布之于農

布賦也

稷則徧誡百姓

紀農協功

紀謂綜理也協同也

曰陰陽分布震雷出滯

陰陽分布日夜同也

滯蟄蟲也明堂月令曰日夜分雷乃發聲始震電蟄蟲咸動啟戶而出也

土不備壅辟在司

冠壅

發也辟罪也在司冠行其事也

乃命其旅曰徇

旅衆也徇行也

農師一

之一之先往也農師上士也農正再之農正后稷之佐田后稷三之

農官之君也故次農正司空四之司空主道路溝司徒五之司徒省民

故次司空也大保六之大師七之大保大師天子三公佐王

故次司徒也大史八之大史掌逆官府之宗伯九之宗伯卿

王之大禮若王不與祭則攝位故次大史也王則大甸大甸帥公卿大夫親行農也耨穫

亦如之耕時也民用莫不震動恪恭于農器用謂田修其

疆畔日服其鏹不解于時疆境也畔界也鏹鋤屬財用不乏民用

和同是時也王事惟農是務無有求利於其官以干農

功

求利謂變易役使于亂農功

三時務農而一時講武

三時春夏秋一時冬也講

習也

故征則有威守則有財而和於民矣

周語

古者天子

諸侯必有公桑蠶室近川而為之築宮仞有三尺棘牆而外閉之及大昕之朝君皮弁素積卜三宮之夫人世

婦之吉者使入蠶于蠶室奉種浴于川桑于公桑風戾

以食之

昕許斤反奉芳勇反種章勇反日之朝也諸侯夫人三宮半王后也風戾之者

大昕季春朔

及早涼脆採之風戾之使露氣燥乃以食蠶蠶性惡濕

歲既單矣世婦卒蠶奉繭

以示于君遂獻繭于夫人夫人曰此所以為君服與遂副

禘而受之因少牢以禮之

爾古典反與音餘注同禘音暉少詩照反歲單謂三月

月盡之後也言歲者蠶歲之大功事畢於此也副禘王后之服而云夫人記者容二王之後與禮之禮奉爾之

世婦及良日夫人纁三盆手遂布于三宮夫人世婦之吉

者使纁遂朱綠之玄黃之以為黼黻文章服既成君服

以祀先王先公敬之至也

纁悉刀反黼音甫黻音弗

祭義

是故天

子親耕於南郊以共齊盛王后蠶於北郊以共純服諸

侯耕於東郊亦以共齊盛夫人蠶於北郊以共冕服天

子諸侯非莫耕也王后夫人非莫蠶也身致其誠信誠

信之謂盡盡之謂敬敬盡然後可以事神明此祭之道

也

共音恭齊子私反盛音成祭統

王后親織玄統

統丁感反說云統冠之垂前

後者昭謂統所以懸瑱當耳者也

公侯之夫人加之以紘紝

紘音宏紝音延

織統復加之紘紝也冕曰紘紘纓之無紝者也從下而上不結紝冕上覆之者也

卿之內子為

大帶

卿之適妻為內子大帶緇帶也

命婦成祭服

命婦大夫之妻也祭服玄衣纁裳也

士之妻加之以朝服

朝直遙反服又加之

以朝服也朝服天子之

士皮弁素積諸侯之士玄端委貌

自庶士以下皆衣其夫

衣去聲庶士下士也下

至庶人也社而賦事烝而獻功

社春分祭社也事農桑之屬也冬祭曰烝烝而獻五穀布

帛之功也

男女効績愆則有辟古之制也

辟婢亦反功也辟罪也

績君

子勞心小人勞力先王之訓也自上以下誰敢淫心

魯語

太宰以九職任萬民一曰三農生九穀二曰園圃毓

草木三曰虞衡作山澤之材四曰藪牧養蕃鳥獸五曰

百工飭化八材六曰商賈阜通貨賄七曰嬪婦化治絲

枲八曰臣妾聚斂疏材九曰間民無常職轉移執事

大音

泰毓古育字藪素口反蕃扶元反賈音古嬪音頻枲絲

里反間音閑任猶傳也鄭司農云三農平地山澤也

九穀黍稷秫麻大小豆大小麥八材珠曰切象曰琤
玉曰琢石曰磨木曰刻金曰鏤革曰剝羽曰析間民謂

無事業者轉移為人執事若今傭賃也玄謂三農原隰
及平地九穀無秫大麥而有梁菰樹果菰曰園園其樊
也虞衡掌山澤之官主山澤之民者澤無水曰藪牧
田在遠郊皆畜牧之地行曰商處曰賈阜盛也金玉曰
貨布帛曰賄墳婦人之美稱也堯典曰釐降二女嬪于
虞臣妾男女貧賤之稱晉惠公卜懷公之生曰將生一
男一女男為人臣女為人妾生而名其男曰圉女曰妾
及懷公質於秦妾為宦女焉疏材百草根實可食者疏
不熟以九賦斂財賄一曰邦中之賦二曰四郊之賦三
曰邦甸之賦四曰家削之賦五曰邦縣之賦六曰邦都
之賦七曰關市之賦八曰山澤之賦九曰幣餘之賦所削
教反財泉穀也鄭司農云邦中之賦二十而稅一各
有差也幣餘百工之餘玄謂賦口率出泉也今之算泉

民或謂之賦此其舊名與鄉大夫以歲時登其夫家之
衆寡辨其可任者國中自七尺以及六十野自六尺以
及六十有五皆征之遂師之職亦云以徵其財征皆謂
此賦也邦中在城郭者四郊去國百里邦甸二百里家
削三百里邦縣四百里邦都五百里此平民也闕市山
澤謂占會百物幣餘謂占賣國中之斥幣皆未作當增
賦者若今賈人倍算矣自邦中以至幣餘各入其以九
所有穀物以當賦泉之數每處為一書所待異也

式均節財用一曰祭祀之式二曰賓客之式三曰喪荒

之式四曰羞服之式五曰工事之式六曰幣帛之式七

曰芻秣之式八曰匪頒之式九曰好用之式

秣音末頒音班好呼

報反式謂用財之節度荒凶年也羞飲食之物也工
作器物者幣帛所以贈勞賓客者芻秣養牛馬禾穀也

鄭司農云匪分也頌讀為班布之班謂班賜也玄謂王所分賜羣臣也好用燕好所賜予以九貢致

邦國之用一曰祀貢二曰嬪貢三曰器貢四曰幣貢五

曰材貢六曰貨貢七曰服貢八曰游貢九曰物貢

嬪故書作

賓鄭司農云祀貢犧牷包茅之屬賓貢皮帛之屬器貢宗廟之器幣貢繡帛材貢木材也貨貢珠貝自然之物也服貢祭服游貢羽毛物貢九州之外各以其所貴為摯肅慎氏貢楛矢之屬是也玄謂嬪貢絲枲器貢銀鐵石磬丹漆也幣貢玉馬皮帛也材貢樵榦栝栢篠簜也貨貢金玉龜貝也服貢絺紵也游讀如圓游之游游貢燕好珠璣琅玕也物貢雜物魚鹽橘柚

太府掌九貢九賦九功之貳以

受其貨賄之入頒其貨于受藏之府頒其賄于受用之

府

大音泰 九功謂九職也受藏之府若內府也受用之府若職內也凡貨賄皆藏以給用耳良者以給王

之用其餘以給國之用或言受藏或言受用又雜言貨賄皆互文

凡官府都鄙之吏及

執事者受財用焉凡頒財以式灋授之關市之賦以待

王之膳服邦中之賦以待賓客四郊之賦以待稍秣家

削之賦以待匪頒邦甸之賦以待工事邦縣之賦以待

幣帛邦都之賦以待祭祀山澤之賦以待喪紀幣餘之

賦以待賜予

稍削並所教反秣音末頒音班予音與待猶給也此九賦之財給九式者膳服即

羞服也稍秣即芻秣也謂之稍稍用之物也喪紀即喪荒也賜予即好用也鄭司農云幣餘使者有餘來還也

玄謂幣餘占凡邦國之貢以待弔用此九貢之財所給也給弔用給凶禮

之五凡萬民之貢以充府庫此九職之財充猶足凡式貢之餘財

以共玩好之用好呼報反謂先給九式及弔用足府庫而有餘財乃可以共玩好明玩好非

治國之用言凡邦之賦用取具焉賦用賦用賦歲終則以貨賄

之入出會之會古外反遺人掌邦之委積以待施惠鄉里

之委積以恤民之難阨門關之委積以養老孤郊里之

委積以待賓客野鄙之委積以待羈旅縣都之委積以

待凶荒遺于偽反委於偽反積子賜反施式豉反難古艱字羈居宜反委積者廩人倉人計九穀之

數足國用以其餘共之所謂餘法用也職內邦之移用亦如此也皆以餘財共之少曰委多曰積鄉里鄉所居也艱阨猶困乏也門闕以養老孤人所出入易以取餽廩也羈旅過行寄止者待凶荒謂邦國所當通給者也故書艱阨作積阨羈作寄杜子春云積阨當為艱阨寄當為羈凡國野之道十里有廬

廬有飲食三十里有宿宿有路室路室有委五十里有

市市有候館候館有積

廬若今野候徒有房也宿可止宿若今亭有室矣候館樓可以

觀望者也一市之間有三廬一宿

均人凡均力政以歲上下豐年則

公旬用三日焉中年則公旬用二日焉無年則公旬用

一日焉

政音征中歲人食

二鬴

豐年人食四鬴

為無歲歲無贏儲也

公事也

旬

為

均也讀如營營原隰之營易
坤為均今書亦有作旬者
凶札則無力政無財賦側札

賦恤其乏困也財賦九賦也
不收地守地職不均地

政地稅也非凶札之歲當收稅乃均之耳
三年大比則

大均計之比毗志反
有年無年大平
旅師掌粟野之耰

粟屋粟間粟耰音鉏間音閑
野謂遠郊之外也耰粟

屋粟民有田不耕所罰三夫之稅粟間
粟間民無職事者所出一夫之征粟
而用之以質劑

致民平頒其興積施其惠散其利而均其政令
劑一隨

賜反而讀為若聲之誤也若用之謂恤民之難阮委
積於野如遺人於鄉里也以質劑致民衆入稅者名會

而貸之興積所興之積謂三者之粟也平頒之不得偏頗有多少縣官徵聚物曰興今云軍興是也是粟縣師徵之旅師歛之而用之以調衣食曰惠以作凡用粟春

頌而秋歛之

困時施之饒時收之

凡新眊之治皆聽之使無征役

以地之媿惡為之等

者也治謂有所求乞也使無征役

復之也王制曰自諸侯來徙於家期不從政以地美惡為之等七人以上授以上地六口授以中地五口以下授以下地與舊民同旅師掌歛地稅而又施惠散利是以屬用新民焉太史典禮執簡

記奉諱惡

惡去聲簡記策書也諱先王名惡忌日若子卯

天子齊戒受諫

齊側

皆反歲終羣臣奏歲

司會以歲之成質於天子

會古反

司會冢宰之屬掌計要者成
計要也質猶平也平其計要
冢宰齊戒受質贊王受之大

樂正大司冠市三官以其成從質於天子
大樂正於周宗伯之屬市

司市也於周司徒
之屬從於司會也
大司徒大司馬大司空齊戒受質百

官各以其成質於三官大司徒大司馬大司空以百官

之成質於天子
百官此三官之屬
百官齊戒受質受平報也然後休

老勞農
勞力報反
成歲事
斷計要也
制國用
王制
冢宰制國

用必於歲之杪五穀皆入然後制國用
杪亡少反
國用如令度支

經用杪
末也
用地小大視年之豐耗
耗呼報反
豐凶之年各以歲之收

入制其用多少多以三十年之通制國用量入以為出

不過禮少有所殺

量音亮通三十年之率當祭用數之仿

仿音勒下同算今年一

歲經用之數喪用三年之仿

喪大事用三歲之什一

喪祭用不足

曰暴有餘曰浩

暴猶耗也浩猶饒也

祭豐年不奢凶年不儉

常用數之

仿國無九年之蓄曰不足無六年之蓄曰急無三年之

蓄曰國非其國也三年耕必有一年之食九年耕必有

三年之食以三十年之通雖有凶旱水溢民無菜色然

後天子食日舉以樂

菜色食菜之色民無食菜之飢色天子乃日舉樂以食王制

禮國有飢人人主不殮

殮音孫

國有凍人人主不裘報囚

之日人主不舉樂歲凶殺不登臺扉榭徹于侯馬不食

穀馳道不除食減膳饗祭有關故禮自行之義養民之

道也

新書

受計之禮主所親拜者二聞生民之數則拜

之聞登穀則拜之詩曰君子樂胥受天之祜夫憂民之

憂者民亦憂其憂樂民之樂者民亦樂其樂與士民若

此者受天之福矣

樂音洛扶新書

古者聚貨不妨民衣

食之利聚馬不害民之財用

貨珠玉之屬自然物也貨馬多則養求者衆妨財用

力國馬足以行軍國馬民馬也十六井為丘有戎馬一匹牛三頭足以行軍也公馬

足以稱賦公馬公之戎馬稱舉也賦兵賦也不是過也公貨足以賓獻

賓饗獻貢也家貨足以共用共音供家大夫也不是過也楚語古者

稅什一宣十五年註詳矣豐年補敗敗謂凶年不外求而上下皆足

也雖累凶年民弗病也莊公二十八年穀梁傳古之君人者必

時視民之所勤民勤於力則功築罕罕民勤於財則貢

賦少民勤於食則百事廢矣凶荒殺禮冬築微春新延廩以

其用民力為已悉矣莊公二十九年穀梁傳天子不言多少諸

侯不言利害大夫不言得喪

喪息浪反謂言貨財也

皆

士不通貨

財

士賤雖得言之亦不得買遽如商賈也

有國之君不息牛羊

息蕃育也

錯質

之臣不息雞豚

錯七路反質音至孟子曰出疆必載質蓋古字通耳置質

錯置也質讀為贄謂執贄而置于君士相見禮曰士大夫奠贄於君再拜稽首禮記曰畜馬乘者不察于雞豚或曰置質猶言委

質也言凡委質為人臣則不得與下爭利

冢卿不修幣

大夫不為場園

冢卿上卿

不修幣謂不修財幣貶息之也治稼穡曰場樹菜蔬曰園謂若公儀子不奪園夫工女之利也

從士以

上皆羞利而不與民爭業樂分施而恥積藏然故民不

困財貧屢者有所竄其手

樂音洛臧音藏屢讀為窶竄容也謂有所容其手而力

作也

多積財而羞無有

羞貧

重民任而誅不能

使民不能勝任而復誅之

此邪行之所以起刑罰之所以多也上好羞則民闇飾

矣

行好並去聲下同而事奢侈則民闇自修飾也

好羞貧

上好富則民死利矣二

者亂之衢也

衢道

民語曰欲富乎忍恥矣傾絕矣絕故舊

矣與義分背矣

背蒲內反身絕命而求也

忍恥不顧廉恥傾絕謂傾身絕命而求也分背如人分背而行

上好富則人民之行如此安得不亂

原闕

歲凶年穀不

登

登成也

君膳不祭肺馬不食穀馳道不除祭事不縣大

夫不食梁士飲酒不樂

縣音懸禮食殺牲

皆自為貶損愛民也

夏后氏以心殷人以肝周人以肺不祭肺則不殺也天子食日少牢朔月大牢諸侯食日特牲朔月少牢除治也

也不治道為妨民取蔬食也縣樂器鐘磬之屬也梁加食也不樂去琴瑟曲禮

國家靡敝

則車不雕幾甲不組滕食器不刻鏤君子不履絲屨馬

不常秣

靡亡皮反幾音祈組音祖滕大登反鏤音漏秣音末靡敝賦稅亟也雕畫也幾附纏為沂鄂

也組滕以組飾之及紵帶也詩云公徒三萬貝冑朱綬亦鎡飾也少儀

五穀不升為大

饑

升成

一穀不升謂之嗛

嗛去算反

二穀不升謂之

饑三穀不升謂之饑四穀不升謂之康

饑音近康虛

五穀不

升謂之大侵傷大侵之禮君食不兼味臺榭不塗

塗墍

弛侯廷道不除

弛式氏反弛廢也侯射侯也廢侯不燕射廷內道路不修除

百官布

而不制

官職修列不可闕廢不更有造作

鬼神禱而不祀

周書曰大荒有禱而無祀

此大侵之禮也

襄公二十四年穀梁傳

大喪則不舉大荒則不

舉大札則不舉天地有裁則不舉邦有大故則不舉

札側

八反裁音災裁崩動大故冠戎

大荒凶年大札疫癘天裁日月晦食地裁崩動大故冠戎之事鄭司農云大故刑殺也春秋傳

曰司寇行戮君為之不舉膳夫

大札大荒大裁素服

大荒饑饉也大裁水火為

害君臣素服縞冠若晉伯宗哭梁山之崩司服

至于八月不雨君不舉

為早

變也此謂建子之月不雨盡建未月也春秋之義周之春夏無雨未能成災至其秋秀實之時而無雨則雩雩

而得之則書雩喜祀有益也
雩而不得則書旱明災成也

年不順成君衣布搢本

闕梁不租山澤列而不賦土功不興大夫不得造車馬

搢音薦 皆為凶年變也君衣布者謂若衛文公大布
之衣大帛之冠是也搢本去珽茶佩士笏也士以竹為
笏飾本以象闕梁不租此周禮也殷則闕恒譏而不征
列之言遮列也雖不賦猶為之禁不得非時取也造謂
作新也
茶音舒 年不順成天子素服乘素車食無樂自貶損也

並以上玉藻

古者有災者謂之厲君一時素服使有司弔

死問疾憂以正鑿匭匭以抹之湯粥以方之善者先乎

矜寡孤獨及疾不能相養死無以葬埋者葬埋之

匭音蒲匭

蒲北反矜古
頤反原闕

孔子在齊大旱春饑景公問于孔子曰

如之何孔子曰凶年則乘駑馬力役不興馳道不脩音駑

奴行之道馳道祈以幣玉君所祈請用幣及玉不用牲也祭事不縣縣音懸不作

樂祀以下牲當用大牢者用少牢此則賢君自貶以救民之禮也

家語魯大旱公欲焚巫尪尪烏黃反後同巫尪女巫也主祈禱請雨者或以為尪

非巫也瘠病之人其面上向俗謂天哀其病恐雨入鼻故為之旱是以公欲焚之臧文仲曰非

早備也修城郭貶食省用務穡勸分穡儉也勸分有無相濟此其

務也巫尪何為僖公二十一年左氏傳歲旱穆公召縣子而問

然縣音懸然之言然之言曰天久不雨吾欲暴暴而奚若暴

卜反凡穆或作繆曰天則不雨而暴人之疾子虐母乃

不可與與音餘然則吾欲暴銅疾人而奚若曰天

則不雨而望之愚婦人於以求之母乃已疏乎已猶甚也

接神亦覲天哀而雨之春秋傳說巫曰在也徙市則奚若

曰天子崩巷市七日諸侯薨巷市三日為之徙市不亦

可乎為去聲徙市者庶人之喪禮令日有食之天

子不舉去盛伐鼓于社責羣陰伐諸侯用幣于社社尊

饌

猶擊也

于諸

侯故請救而不敢責之

伐鼓于朝退自責

以昭事神訓民事君

天子不舉

諸侯用幣所以事神尊卑異制所以訓民

示有等威古之道也

等威威儀之等差文公

十五年左氏傳

國主山川

主謂所主祭

故山崩川竭君為之不舉

為去聲去威饒

降服

損威

乘縵

縵武旦反車無文

徹樂

息八音

出次

于舍

郊祝幣

陳玉帛

史辭

自罪責

以禮焉

禮山川五年左氏傳

天反

時為災

寒暑易節

地反物為妖

羣物失性

民反德為亂亂則妖災

生故文反正為之

文字

五年左氏傳宣公十

軍有憂則素服哭

於庫門之外

憂謂為敵所敗也素服者縞冠也

赴車不載橐韞

橐音羔韞音亮

反兵不戢示當報也以告喪之辭言有焚其先人

之室則三日哭謂人燒其宗廟哭者故曰新宮火亦三

日哭火人火也新宮火在國亡大縣邑公卿大夫士

皆厭冠哭於大廟三日君不舉厭于業反大廟大音泰

厭冠今喪冠其服未聞或曰君舉而哭於后土后土社也孔子惡野哭

者為其變衆周禮銜枚氏掌禁野叫呼歎呼于孔子

為大司寇國廋焚子退朝而之火所鄉人有自為火來

者則拜之士一大夫再子貢曰敢問何也孔子曰其來

者亦相弔之道吾為有司故拜之

廢居又反自為于偽
言拜之者為其

來弔已宗伯職曰以
弔禮哀禍災家語

儀禮集傳集註卷三十一